



Broj: 05/1-50-15-26-58-3/19

Sarajevo, 23. 4. 2019.

ZAPISNIK

58. sjednice Nezavisnog odbora Parlamentarne skupštine BiH

Sjednica je održana 23. 4. 2019, s početkom u 17 sati.

Sjednicu je sazvaio Enes Obraliija, prvi zamjenik predsjednice Nezavisnog odbora.

PRISUTNI ČLANOVI NEZAVISNOG ODBORA: Enes Obraliija, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

ODSUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, opravdano odsutna.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednici su prisustvovali i Zoran Galić, direktor Granične policije BiH, te Fahrudin Halač, zamjenik direktora Granične policije BiH.

Sjednicu su pratili i Enver Bogučanin iz Sektora za odnose s javnošću Sekretarijata Parlamentarne skupštine BiH, te Dijana Šatara i Senad Zlatar, predstavnici OHR-a.

Sjednicom je predsjedavao prvi zamjenik predsjednice Nezavisnog odbora Enes Obraliija.

Konstatirajući da postoji kvorum, otvorio je 58. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 57. sjednice Nezavisnog odbora;
2. Razmatranje Izvještaja o radu Granične policije BiH za 2018. godinu, broj: 17-08-04-14-2779-18/17 od 28. 3. 2019, a zaprimljen u Pisarnici Parlamentarne skupštine BiH 2. 4. 2019, broj: 05/1-50-15-57-7/19;
3. Razmatranje dopisa Direkcije za koordinaciju policijskih tijela BiH, broj: 20-01-07-5-526-3/19 od 19. 3. 2019, a zaprimljen u Pisarnici Parlamentarne skupštine BiH 20. 3. 2019, broj: 05/1-50-15-26-57-6/19, dopisa Državne agencije za istrage i zaštitu, broj: 16-11-50-2941-4/19 od 25. 3. 2019, a zaprimljen u Pisarnici Parlamentarne skupštine BiH 26. 3. 2019, broj: 05/1-50-15-26-57-6/19, i dopisa Granične policije BiH, broj: 17-06-1-02-3-1466-52/12 od 5. 4. 2019, a zaprimljen u Pisarnici Parlamentarne skupštine BiH 12. 4. 2019, broj: 05/1-50-15-26-57/19;
4. Tekuća pitanja.

Ad. 1. Usvajanje Zapisnika 57. sjednice Nezavisnog odbora

Prvi zamjenik predsjednice Nezavisnog odbora Enes Obralića otvorio je raspravu o ovoj tački dnevnog reda. Za riječ se javio član Nezavisnog odbora Ljubomir Kuravica koji je tražio da se u Zapisnik 57. sjednice Nezavisnog odbora unese rasprava koja se odvijala između njega i Mate Miletića, člana Nezavisnog odbora, nakon čega je uslijedila rasprava.

Nakon rasprave, prvi zamjenik predsjednice Nezavisnog odbora Enes Obralića stavio je na glasanje Prijedlog zapisnika 57. sjednice Nezavisnog odbora. Sa šest glasova "za", jednim glasom "protiv" i jednim glasom "suzdržan", Prijedlog zapisnika 57. sjednice Nezavisnog odbora nije usvojen. Nakon toga, članovi Nezavisnog odbora glasali su o prijedlogu Ljubomira Kuravice za dopunama Zapisnika 57. sjednice. S jednim glasom "za", šest "protiv" i jednim glasom "suzdržan", prijedlog nije usvojen.

Ad. 2. Razmatranje Izvještaja o radu Granične policije BiH za 2018. godinu, broj: 17-08-04-14-2779-18/17 od 28. 3. 2019, a zaprimljen u Pisarnici Parlamentarne skupštine BiH 2. 4. 2019, broj: 05/1-50-15-57-7/19

U uvodu u ovu tačku dnevnog reda prvi zamjenik predsjednice Nezavisnog odbora Enes Obralića napomenuo je da je Granična policija BiH, u skladu sa zaključkom s 57. sjednice Nezavisnog odbora, dostavila Izvještaj o radu Granične policije BiH za 2018. godinu. U vezi s tim, na sjednicu su pozvani i prisustvovali joj Zoran Galić, direktor Granične policije BiH, i Fahrudin Halač, zamjenik direktora Granične policije BiH, kako bi s članovima Nezavisnog odbora razmatrali dostavljeni materijal.

U raspravi o ovoj tački dnevnog reda i razgovoru članova Nezavisnog odbora s direktorom i zamjenikom direktora Granične policije BiH učestvovali su svi prisutni članovi Nezavisnog odbora. Razgovarali su i o trenutnom stanju u Graničnoj policiji BiH, problemima s kojima se susreću u radu, migrantskoj krizi koja je gorući problem u BiH, o sigurnosti granične linije, tehničkom održavanju - servisiranju oružja u Graničnoj policiji BiH, nedostatku velikog broja policijskih službenika u Graničnoj policiji BiH, o saradnji s drugim policijskim agencijama te drugim pitanjima iz domena rada Granične policije BiH.

Nakon rasprave, članovi Nezavisnog odbora jednoglasno su primili k znanju Izvještaj o radu Granične policije BiH za 2018. godinu.

Ad. 3. Razmatranje dopisa Direkcije za koordinaciju policijskih tijela BiH, broj: 20-01-07-5-526-3/19 od 19. 3. 2019, a zaprimljen u Pisarnici Parlamentarne skupštine BiH 20. 3. 2019, broj: 05/1-50-15-26-57-6/19, dopisa Državne agencije za istrage i zaštitu, broj: 16-11-50-2941-4/19 od 25. 3. 2019, a zaprimljen u Pisarnici Parlamentarne skupštine BiH 26. 3. 2019, broj: 05/1-50-15-26-57-6/19, i dopisa Granične policije BiH, broj: 17-06-1-02-3-1466-52/12 od 5. 4. 2019, a zaprimljen u Pisarnici Parlamentarne skupštine BiH 12. 4. 2019, broj: 05/1-50-15-26-57/19

U uvodu u ovu tačku dnevnog reda prvi zamjenik predsjednice Nezavisnog odbora Enes Obralića napomenuo je da su Direkcija za koordinaciju policijskih tijela BiH, Državna agencija za istrage i zaštitu i Granična policija BiH, u skladu sa zaključkom s 57. sjednice Nezavisnog odbora, dostavile izjašnjenje na okolnosti zahtjeva bh. Konzorcija proizvođača policijske i vojne opreme dostavljenog Nezavisnom odboru. U okviru ove tačke dnevnog reda nije bilo rasprave te su članovi Nezavisnog odbora dopise jednoglasno primili k znanju.

Ad. 4. Tekuća pitanja

U okviru ove tačke dnevnog reda prvi zamjenik predsjednice Nezavisnog odbora istakao je da je Nezavisnom odboru dostavljena anonimna predstavka zaprimljena u Pisarnici Parlamentarne skupštine BiH 27. 3. 2019, broj: 05/1-50-17-680/19, te otvorio raspravu. Nakon rasprave, članovi Nezavisnog odbora jednoglasno su se dogovorili da se predstavka stavi ad acta, tj. da se odloži u arhiv.

U okviru ove tačke dnevnog reda za riječ se javio Ljubomir Kuravica, član Nezavisnog odbora, koji je zatražio da mu se dostavi tonski zapis 57. sjednice Nezavisnog odbora. Nakon toga, prvi zamjenik predsjednice Nezavisnog odbora Enes Obralića podsjetio je članove da svi članovi Nezavisnog odbora imaju pristup materijalima Nezavisnog odbora, ali u svrhu pripreme za sjednicu i raspravljanja o određenim pitanjima koja su predmet rasprave na sjednicama Nezavisnog odbora.

Prvi zamjenik predsjednice Nezavisnog odbora Enes Obralića zaključio je sjednicu u 18.25 sati.

**SEKRETARKA
NEZAVISNOG ODBORA**

Ivana Lovrić

**PRVI ZAMJENIK PREDsjedNICE
NEZAVISNOG ODBORA**

Enes Obralića